

## Mwombezi,

*Basi, iwapo tunaye kuhani mkuu aliyeingia katika mbingu, Yesu, Mwana wa Mungu, na tuyashike sana maungamo yetu. Waebrania 4:14.*

**I**metupasa sisi nasi kuwa na roho ile ile iliyokuwa ndani ya Yesu Kristo. Kristo anafanya kazi kwa ajili yetu; je, sisi tutafanya kazi katika mkondo wa Kristo? Watoto, jengeni subira, imani na tumaini. Hebu Bwana aongeze furaha yetu ya imani kwa Mwombezi wetu Aliyehai siku zote. Usikubali kupitisha siku hata moja bila kutambua wajibu wako kwa Mungu kupitia kwa kafara ya Mwana Wake wa pekee. Yesu hatukuzwi na mtu yeyote ambaye ni mshitaki wa ndugu Yake. Hebu na tusiruhusu hata siku moja ipite bila kuponywa na kutibu vidonda vyetu vya kale.

Jenga upendo na tusiruhusu maneno ya kuwadhania wengine mabaya yatoke vinywani mwetu. Funga mlango huo haraka na usiufungue kabisa, kwa sababu tunafahamu thamani ya kafara ya Yesu na upendo Wake usiobadilika. Kunywa kutoka katika maji yaburudishayo ya uzima kutoka katika kisima cha Lebanoni bali kataa maji machafu yatokayo katika bonde lenye giza, hisia za kushuku. Kuna kweli nyingi katika chanzo hiki, lakini je, tuchafue harufu yetu nzuri ya roho kwa sababu wengine wamejivika uchungu? La! Hasha. Hakuna hata sehemu moja ya kumi ya kufikiria mabaya inayolingana kwa thamani na muda tunaotoa kuyatafakari na kuyarudia. Ondoa kabisa katika maongezi yako ukali; ongea maneno matamu; na kushikilia kwa uthabiti imani yetu kwa Yesu.

Daima tunaye Mtetezi aliye hai anayetuomba. Hivyo na tuwe watetezi kimsingi kwa niaba ya wale wote wanaopotoka. "Na kuwa na kuhani mkuu juu ya nyumba ya Mungu(anayetuomba); hebu na tukaribie tukiwa wenye moyo wa kweli, kwa utimilifu wa imani, hali tumenyunyizwa mioyo tuache dhamiri mbaya; tumeoshwa miili kwa maji safi. Na tulishike sana ungamo la tumaini letu, lisigeuke." "maana Yeye aliyeahidi ni mwaminifu."

Hivyo kama Yeye afanyavyo kazi kwa niaba yetu, hebu na tufanye kazi kwa bidii na kwa umakini ili kuhimiza umoja kila mtu na mwenzake. Kristo aliomba kuwa tupate kuwa na asili pamoja na umoja kama ule uliopo kati Yake mwenyewe na Baba yake. Tujaribu katika kila tufanyacho kuimarisha imani na upendo wa kila mmoja kwa mwenzake na kwa njia hiyo tutajibu ombi la Yesu... Si yote uyadhaniayo na kuyafikiria juu ya ndugu yako ni sahihi... Hebu na tuweke kando mawazo na hisia hizi mbaya; na tusogee karibu katika upande wa Kristo na kufikiri kuhusu kutiwa moyo kwa hali ya juu alikotupatia, ili nasi tuwape wengine vivyo hivyo... Hebu husuda na wivu vikome katika bubujiko la upendo kutoka katika chemchemi ya upendo wa Mungu. Kilio chao wanaokaribia kupotea kipate wepesi wa kuingia katika sikio Lake. "Kwa maana atamwokoah mhitaji aliapo, Na mtu aliyeonewa iwapo hana msaidizi" (Manuscript 129, 1901)